

# ХАЛЬМГИН ШИН КУРОРТ

Хальмг республикин теегт—Элст балгъснас 18 километрт, «15 лет ВЛКСМ» гидг санаторин өөр шин курорт бөөрин гем эмндг санатор секгдджәнә. Энд ода 10 шаху гермүд тосхгдсн бәәнә. Эн санатор тосхлгънд сай шаху арслнъ гаргъгдджна.

1960 джилин май сард эн санатор секгдхмн, тегәд игәрән бөөрин гемтә улс эмнлгънд ирцхәхмн. Нег саамд эн санаторт 150 шаху күн

ирдж, бийән эмнүлдж чадхмн.

Бөөрин гем эмндг, орн-нутгт негхн гиджәх санатор Туркменск ССР-т бәәдмн. Мана республикд эн санатор секгдсн цагт, Кавказд, Украинд бәәдг, бөөрин гемтә улс гемән эмнүлхәр, газрин холд бәәх Туркменск республикд оддган уурад, өөрхнд секгдджәх эн санаторур ирдж бийән эмнүлдж чадджана.

**Е. ПОЛЬСКАЯ.**